

**Oqaluuserisassanut nassuiaat**

(Inatsisartut Siulittaasuat)

Ullumi ataatsimiinnermi oqaluuserisassat allangortinneqarput ippassarlu unnukkut nassiunneqarlutik.

Immikkoortut 4, 26 aamma 16 ullumi ataatsimiinnermi oqaluuserisassanut ilanngunneqarput.

Immikkoortoq 4: Inatsisartut ataatsimiititaliaannut sinniisoqarfinnullu ilaasortassanik sinniisussanillu qinersineq.

Immikkoortoq 26: Qinigaanerup Misilinneqarnissaanut Ataatsimiititaliap inassuteqaataa.

Immikkoortoq 16: Naalakkersuisunik qinersineq.

Inatsisartut ataatsimiittarfianni ataatsimiinnerup kingorna ataatsimiititaliat ataatsimiittarfinni inissitsitsissapput.

**Oqaluuserisassanut nassuiaat**

(Inatsisartut Siulittaasuat)

Sinniisup Nikkulaat Jeremiassenip Naalakkersuisunut qinigaanerminut atatillugu Inatsisartunut sinniisutut aggersarneqannginnissani qinnutigaa, taamaalillunilu Mala Høy Kuko, Siumut, sinniisutut aggersarneqarpoq.

Mala Høy Kuko aqagu ulloq 6. oktober Nuummut tikissaaq.

Inatsisartunut ilaasortaq Siverth K. Heilmann, Atassut, Naalakkersuisunut ilaasortatut atuuffeqarnermini Inatsisartunut ilaasortatut sulinngiffeqarnissani qinnutigaa.

Aqqaluk Heilmann Siverth K. Heilmannip sulinngiffeqarnerani sinniisutut aggersarneqarpoq. Akerliusoqarpa?

Tikilluarit issiavissannut ingissinnaavutit.